

Na osnovu Odluke o izboru najpovoljnijeg ponuđača za nabavku kancelarijskog materijala, opreme, sredstava za umnožavanje i sitnog inventara JU „Služba za zapošljavanje Kantona Sarajevo“ Sarajevo, broj: 05/3-2901-JN/17 od 21.11.2017.godine, ugovorne strane:

## U G O V O R

### **o nabavci i sukcesivnoj isporuci kancelarijskog materijala, opreme, sredstava za umnožavanje i sitnog inventara**

zaključen u Sarajevu između:

- JU «SLUŽBA ZA ZAPOŠLJAVANJE KANTONA SARAJEVO» - SARAJEVO** ul. Đoke Mazalića broj 3, 71000 Sarajevo, koje zastupa. direktor Midhat Osmanbegović, (u daljem tekstu **Naručilac**),  
**Telefon:** 033/569-135, fax: 033/204-177  
**Identifikacioni broj:** 4200304610003  
**Poreski broj:** 01079085
- «CROBOX» d.o.o. Sarajevo**, koga zastupa direktor **Šahin Lagumdžija (u aljem tekstu: Izvršilac)**  
**Telefon:** 033/447-711  
**Rješenje o upisu u sudski registar broj:** 1-11641  
**Identifikacioni broj:** 4200739070007  
**PDV broj:** 200139070007  
**Poreski broj:** 01842538  
**Transakcijski račun:** 1327319919248470,3383202250167112,

## PREDMET UGOVORA

### Član 1.

Predmet ovog ugovora je nabavka i sukcesivna isporuka kancelarijskog materijala, opreme, sredstava za umnožavanje i sitnog inventara, prema stavkama navedenim u specifikaciji koja čini sastavni dio ovog ugovora u sjedište Naručioca u skladu sa cijenama, vrstom i kvalitetom navedenim u ponudi izvršioca broj: 01-1211-00/17 godine od 11.12.2017.godine (u daljem tekstu: ponuda).

## CIJENA

### Član 2.

Vrijednost ugovora na paritetu DDP sjedišta Kupca, sa uračunatim popustom i bez uračunatom PDV-u iznosi: 34.989,54 (slovima: tridesetčetirihiljadedevetstotinaosamdesetdevet i 54/100 KM),  
PDV iznosi: 5.948,22 (pethiljadadevetstotinačetredesetosam i 22/100 KM)  
**Ukupna vrijednost ugovora sa uračunatim PDV-om iznosi: 40.937,76 (slovima: četrdesethiljadadevetstotinatridesetsedam i 76/100) KM**

U cijenu su uračunati i svi drugi troškovi Izvršioca.



Cijrne robe iz ovog ugovora su pojedinačno sadržane u ponudi br: 01-1211-00/17 godine i iste se ne mogu mijenjati.

## **USLOVI I NAČIN PLAĆANJA**

### **Član 3.**

Plaćanje isporučenih količina papira, kancelarijskog materijala, opreme, sredstava za umnožavanje i sitnog inventara vršit će se u roku od 15 (petnaest) dana od dana ispostavljanja originalne fakture, na protokol Naručioca, sa obostrano potpisanom originalnom otpremnicom, isključivo u kvalitetu i vrsti navedenoj u ugovoru. Ukoliko Izvršilac uz račun ne dostavi navedenu dokumentaciju, Naručilac ne odgovara za kašnjenje u plaćanju.

Fakture se ispostavljaju na adresu Naručioca: JU „Služba za zapošljavanje Kantona Sarajevo“ Sarajevo, Đoke Mazalića broj 3, 71000 Sarajevo

## **ROK I MJESTO ISDPORUKE**

### **Član 4.**

Na osnovu ponude Izvršioca, Naručilac, će otkom važenja ugovora poručivati kancelarijski materijal, opremu, sredstva za umnožavanje i sitni inventar putem narudžbe, kontinuirano za vrijeme dok traje ugovor.

Izvršilac će kancelarijski materijal, opremu, sredstva za umnožavanje i sitni inventar Naručioca isporučivati u skladu sa izdatim narudžbenicama i specifikacijama (trebovanjima) koje će biti sastavni dio svake narudžbe.

Isporuke naručenog kancelarijski materijali, opremu, sredstva za umnožavanje i sitni inventar vršit će se u roku od 2 dana od dana izdavanja narudžbenice, na adresu Đoke Mazalića br. 3, uz obaveznu naznaku kontakt osobe odgovorne za kvantitativni kvalitativni prijem naručenog materijala.

Naručilac zadržava pravo da tokom važenja ugovora u skladu sa nastalim potrebama, po svim stavkama specifikacije, pod ponuđenim uslovima poruči količine papira, kancelarijskog materijala i sitnog inventara u manjim ukupnim količinama od maksimalno navedenih količina u specifikaciji.

## **KVALITET**

### **Član 5.**

Tokom cijelog perioda važenja ugovora, ni pod kojim uslovima ne smije doći do odstupanja u kvalitetu odnosno do isporuke drugih vrsta papira, kancelarijskog materijala i sitnog inventara, osim onog koji je definisan specifikacijom, u suprotnom Naručilac zadržava pravo raskida ovog ugovora prije njegovog isteka, te vrši protestiranje bankovne garancije za dobro izvršenje posla. Za Naručioca nikakvi zamjenski artikli nisu prihvatljivi. Svaka isporuka će biti provjerena u pogledu kvaliteta i kvantiteta.

Izvršilac se obavezuje da će za vrijeme ovog ugovora, po reklamacijama Naručioca, u slučaju bilo kakvih manjkavosti o svom trošku u roku od 7 (sedam) radnih dana, od dana prijema



reklamacije napraviti odgovarajuću zamjenu količine i vrste papira, kancelarijskog materijala i sitnog inventara.

## **GARANCIJA ZA DOBRO IZVRŠENJE UGOVORA**

### **Član 6.**

Prodavac se obavezuje, da će u roku od 10 (deset) dana od potpisivanja ovog ugovora, kupcu dostaviti безусловnu garanciju za dobro izvršenje posla (ugovora) poslovne banke u visini od 5% ukupno ugovorene vrijednosti, sa rokom važnosti: rok važenja ugovora + 30 (trideset) dana.

Kupac će kod poslovne banke koja je izdala garanciju za dobro izvršenje posla izvršiti protest ukupnog iznosa na koji glasi garancija shodno odredbama Zakona o obligacionim odnosima i odredbi člana 19. Uputstva o primjeni Zakona o javnim nabavkama BiH („Službeni glasnik BiH“ broj 3/05, 24/09), a za potrebe da naknadi svaku štetu i troškove koje Kupac može imati u slučaju da Prodavac prekrši ovaj ugovor, i to od dana potpisivanja Ugovora do isteka istog.

Pokriće iz bankarske garancije ne oslobađa Prodavca odgovornosti sve do namirenja stvarne štete.

Ukoliko ne nastupi ni jedan od slučajeva koji bi zahtijevali realizaciju garancije za dobro izvršenje posla, Kupac će izvršiti povrat garancije za dobro izvršenje posla na zahtjev prodavca u roku od 10 dana od podnošenja zahtjeva.

## **PENALI**

### **Član 7.**

Prodavac se obavezuje da će u slučaju kašnjenja u isporuci robe, koja je predmet ovog Ugovora, isplatiti Kupcu penale za svaki dan kašnjenja u visini 0,5% neisporučene robe, s tim da ukupan iznos penala ne može preći 5% ukupno ugovorene vrijednosti ugovora.

## **ZAVRŠNE ODREDBE**

### **Član 8.**

Ugovorne strane su saglasne da Izvršilac nema pravo, u svrhu izvršenja ugovora, zapošljavati fizička i pravna lica koja su sudjelovala u pripremi tenderske dokumentacije ili su bili članovi ili stručne osobe koje je angažovala Komisija za nabavku u postupku koji je prethodio ovom ugovoru, najmanje šest mjeseci po zaključenju ugovora.

### **Član 9.**

Ugovorne strane su saglasne da sve eventualne sporove nastale u realizaciji ovog ugovora riješavaju sporazumno, u protivnom nadležan je Sud u Sarajevu.

### **Član 10.**

Ovaj ugovor se zaključuje na period od jedne (1) godine dana ili do utroška finansijskih sredstava utvrđenih vrijednošću ugovora, sa mogućnošću njegovog produžetka do (3) godine u skladu sa Okvirnim sporazumom, odnosno nepromjenjenim cijenama roba i ostalim uslovima iz tenderske dokumentacije.



Ovaj ugovor se može raskinuti dogovorno u svako vrijeme na pismeni zahtjev jedne od ugovornih strana sa otkaznim rokom od trideset (30) dana, uz prethodno obostrano izmirenje preuzetih obaveza.

### Član 11.


Ovaj ugovor stupa na snagu danom obostranog potpisivanja obje ugovorne strane.

Ukoliko Isporučilac ne ispuni uslov iz stava 1. ovog člana ugovorne strane su saglasne da će se smatrati da ugovor nije ni zaključen i da je to osnov za protest garancije za ozbiljnost ponude koju je isporučilac dostavio uz svoju ponudu.

### Član 12.


Ovaj ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

**IZVRŠILAC:**  
„CROBOX“ d.o.o. Sarajevo

DIREKTOR  
  
Šahin Lagumdžić  
Broj: 01-01-17/18

Sarajevo, 25.01. 2018 godine

**NARUČILAC:**  
JU“Služba za zapošljavanje Kantona Sarajevo“ Sarajevo

DIREKTOR  
  
Midhat Osmanbegović  
Broj: 01-01-3026/17JN  
Sarajevo, 29.12. 2017. godine